

einem zu dienste^a, so^b mag er wol uff ander lewt gu^t, die in disem frid begriffen sein, an der lewte geuerlichen schaden^c futer und kost nemen on geuerde.

[17] Wer auch^d ob^e dhein fürste, graff, herre odir iemant anders iemant^f kuntlichen gelten solt, dorumb er im ein pfant angewünne, dasselb pfant sol er furen und bringen in daz nehst gerichte odir slozz, do er mit dem pfande sicher sey, daz desselben, dez daz pfant gewesen ist, nicht enist^g und sol^h mit den selben pfanden doselbst pfentlich gebaren und uff recht und purgen ausgeben, ob man dazⁱ auznemen wil, daz im darumb in desselben herren hof, der gepfent ist worden, in zwein moneden uff sein erberg man unverzogenlichen sol geschehen on geuerde.

[18] Gescheh dez nicht, so moht^k er^l odir die, die^m also gepfent heten, die pfantⁿ unwerden^o oder verkauffen^p als er tewrist mag^q on geuerde; und dasselb gelt sol dem selben herren an seiner schuld abgeslagen werden, uber daz daz ez in gekost hat an geuerde; wolt er oder^r die . . die^s kost als unredlich machen, waz dann unser vater, wir oder unser hauptman daruber erkennt, da sol ez bey beleiben.

[19] Wer aber daz die pfant niht auzgenommen^t wurden, so mag der oder die^u . . dieselben pfant verkauffen und unwerden^v on geuerde als tewrist er^w mag, noch acht tagen ob ez ezzende pfant sein, odir andere pfant noch vierczehen tagen. Und dasselb gelt, dorumb geben werden die selben pfant, sol abgeslagen werden in der weise als vorges[chriben] stet.

[20] Wer auch daz iemant der in disem frid begriffen ist von den sachen, die dorinne geschehen, dhein veintschaft^x wuchsse^y und uff erstünde^z, der man noch dem frid an dem selben zukomen wolt, so sullen dem selben wir die obgen[anten] fursten, grafen, herren und stete, die in disem frid sind, mit guten trewen uff den eyt beholffen sein und zulegen^a als lang biz er derselben veintschaft^b gantzlichen entladen wirt on allez^c geuerde.

a) '(ein) erwerge reisig zcuze (zcoge?) seyner frunde einen zcuze dinst' D. b-c) 'so mag her wol uff ander lute guter oder land ungerlicherich schaden . . .' D. d) 'aber' D. e) fehlt D. f) fehlt D. g) 'entist' D. h) fehlt D. i) D fügt zu: 'uf burgen'. k) 'mag' D. l) 'der' D. m) fehlt D. n) 'die pfant' fehlt D. o) 'anwerdin' D. p) 'vor-' D. q) 'moge' D. r) 'aber' D. s) fehlt D. t) 'angenomen (!)' B; 'usgenommen' D. u) '-ie' ausgerissen B. v) 'anwerdin' D. w) 'her turest' D. x) 'fruntschaft (!)' D. y) fehlt D. z) 'uferstenden' (oder: 'ufen-?') D. a) 'zculegin unde behulfin syn' D. b) 'fruntschaft (!)' D. c) fehlt D.